

## **Uorden d'immundizchas dal cumün da Ftan**

As basond sün la ledscha federala dals 24 schner 1991 a regard la protecziun da las auas, sün la ledscha chantunala davart economisar il rument, missa in vigur pels 1. marz 1990, sco eir sül reglamaint d'immundizchas da la PEB dals 28 mai 1986 e'ls statüts da la PEB dals 11 marz 1990, relascha il cumün da Ftan il seguaint uorden d' immundizchas.

## I. In general

### art. 1

L'allontanamaint ordinari da las immundizchas es obligatoric per tuot il territori dal cumün. oblig

Quist uorden vaglia eir per immundizchas chi vegnan prodottas sün territori da cumüns vaschins e vegnan però allontanadas sur l'organisaziun dal ramassamaint dal cumün da Ftan.

Id es scumandà da depositar o da suoterrar immundizchas sün terrain public o privat i'l sen dals art. 3 e 4 chi seguan. Istessamaing esa scumandà dad arder immundizchas our il liber o in pignas.

Las immundizchas nu das-chan rivar in ingüna fuorma aint illa chanelisaziun, neir schmanüzzadas o muglinadas. La compostaziun da mundadüras d'üert e d'agricultura es permissa sch'ella vain fatta in möd igienic e sainza influenzas dischavantagiusas per la vicinanza.

### art.2

L'execuziun da quist uorden es chosa dal Cussagl da cumün. Quel relascha ün'ordinaziun executiva e da permiss excepziunals a cundiziuns adequatas. execuziun

## II. Sorts d'immundizchas

### art. 3

Sco immundizchas solitas valan ils s-charts chi provegnan da las economias, d'interpraisas da commerzi, da la mansteranza, da l'industria, da servezzans publics, dal turissem, da l'agricultura e chi nu suotastan a prescripziuns specialas. immundizchas

Restanzas sün plazzas da fabrica sco material d'imbalasch, recipiaints da culur e da colla, vanzs da laina trattada, da tapets, da tapetas, da cabels, lingias e similas chosas nu valan sco immundizchas solitas e ston gnir surdattas a la dita d'allontanamaint.

### art.4

Sco immundizchas specialas - exclusas dal servezzan d'allontanamaint d'immundizchas ordinari - valan s-charts industrials, veiculs our d'üs e lur accessoris, fierramainta veglia, material da sbodamaint, s-chavs stradals (asfalt e beton), fangia (belma) da sarineras, material chi's ramassa pro ouvras idraulicas, tössis sco eir immundizchas clinicas, radioactivas, chemicas e talas chi cuntegnan öli ed oter implü. immundizchas specialas

L'eliminaziun da quistas immundizchas sto gnir executada tenor las prescripziuns correspudentas, seguond ordinaziun da las autoritats competentas e dal Cussagl da cumün a cuosts dal chaschunader.

art. 5

Sco rument da fabrica chi po gnir deponà sün la deponia cumünala  
vala il material da s-chav net.

rument da fabrica

### III. Servezzan d'allontanamaint d'immundizchas

art. 6

Las immundizchas han da gnir missas in sachs liats, in sachs liats in  
containers movibels normats o oters indrizs adattats chi correspuondan  
a las pretaisas dal cumün e da la PEB.

sachs e recipiaints

art. 7

Per immundizchas chi pon gnir reütilisadas sco palperi, chartun, vaider,  
metal vegl e.u.i. ha la PEB insembel cul Cussagl da cumün fixà ils lös  
da deposit ed organisescha servezzans da ramass specials.

ramassamaint special

art.8

Ils lös dals containers ed ils lös da svödar vegnan fixats dal Cussagl  
da cumün cun l'acconsentimaint da la PEB. Davo svödats ston ils  
containers privats gnir allontanats subit davent dal terrain public.  
Schi fa dabsögn ston ils privats admetter lös da containers sün lur  
terrain

lö da rammasamaint

### IV. Finanzas

art. 9

Per las spaisas da l'allontanamaint d'immundizchas vegnan etschüdas  
taxas. Il Cussagl da cumün ha da pisserar cha'l quint da las immun -  
dizchas as porta sves.

taxas

- a) Per chasas d'abitar, taxas fundamentalas  
per economias cun üna persuna  
per economias cun 2 e daplü persunas  
per paurarias ed affars pitschens  
per abitaziuns da vacanzas  
per chamonnas  
implü vain etschüda üna taxa sün las pernottadas d'esters in chasas  
ed abitaziuns da vacanzas
- b) Per hotels, restorants, pensiuns, internats, chomps da vacanzas,  
affars e.u.i. üna taxa pauschala in basa a lur producziun.  
Abitaziuns in chasas suot lit. b) vegnan taxadas tenor lit. a).

Las taxas suot lit. a) las pauschalas suot lit. b) vegnan fixadas minch'on dal Cussagl da cumün tenor las spaisas da l'allontanamaint.  
art.10

Al mumaint chi vain introdütta tras la PEB o tras il cumün la taxa da sach ha il Cussagl da cumün dad adattar las taxas fundamentalas da möd cha'l quint d'immundizchas saja equalisà

taxa da sach

art. 11

Las taxas vegnan etschüdas dal cumün ed han da gnir pajadas infra 30 dis.

inchasch

## V. Disposiziuns penalas e finalas

art.12

Cuntravenziuns a las disposiziuns da quist uorden vegnan punidas dal Cussagl da cumün cun multas da fr. 50.-- fin fr. 5'000.-- . Scha la cuntravenziun deriva d'üna persuna giuridica, d'üna società collectiva o cumandita o d'ün oter collectiv da persunas sainza personalità giuridica, sun las masüras da chasti applichablas invers las persunas chi han agi o vessan stuvü agir in nom da quellas. Per multas e cuosts porta la persuna giuridica, la società o il collectiv da persunas solidariamaing la respunsabilità.

disposiziun penala

art.13

Cunter las decisiuns dal Cussagl da cumün po gnir recurrü infra 20 dis pro'l Güdisch administrativ chantunal.

recuors

art. 14

Quist uorden aintra in vigur davo l'approvaziun tras la radunanza cumünala. Las taxas tenor quist uorden vegnan etschüdas la prüma jada per l'on 1998. Disposiziuns contradictorias sun abolidas.

aintra in vigur

art. 15

Al mumaint cha la PEB introdüa ün reglamaint nouv, vaglia quel in tuot ils cas cha quist uorden al cuntradischa.

nouv regl. PEB

Acceptà da la radunanza cumünala dals 3 settember 1997

Ftan 4 settember 1997

Il capo:

sig. Jon Plouda

l'actuar:

sig. Andri Florineth